

OPPORTUNITAS

PERFICIENDI ORATORIS

In Republica Veneta .

P R O L U S I O

In Instauratione Studiorum

Anni M. DCCVIII.

Venetiis habita

A CAMILLO EVARISTO CAZZANO

SOCIETATIS JESV.

Rhetorices Præceptore .



VENETIIS , M. DCCVIII.

Apud Joannem Manfrè ,

Superiorum Permissu ,

PROLUSIO.

Veteri consuetudine receptum est ,
 ut quotannis in solemnibus studiorum
 instauratione is qui artem dicendi ,
 docendique profiteatur , ea potissi-
 mum rationum momenta palam producat
 quæ ad inclinandos in amorem Eloquentiæ
 recentium Auditorum animos plurimum va-
 litura esse videantur . Quod cum mihi mu-
 neris esset impositum , diu multumque me-
 cum ipse cogitabam , qua demum ratione
 id apud Venetos Juvenes assequi possem ,
 quosque ad ineundam libenter ; & devoran-
 dam feliciter eloquentiæ viam generosis ani-
 mis stimulos admoverem . Subibant ani-
 mum multa , eaque non levia ; ingenia vi-
 delicet vestra , ad hujus quam profiteor ar-
 tis informationem non tam facta , quàm na-
 ta , indoles aurea , & prorsus ingenua , in
 quamcunque volueris partem inclinanda ,
 amor quidam ingenitus , & aviditas gloriæ
 quæ facultate , & exercitatione dicendi ma-
 ximè comparatur : subibant denique nobilitas
 artis , fructusque conspicui , Atavorum
 exempla , atque Parentum , aliaque quam-
 plurima apud eos , qui me audiunt , Ado-
 lescentes , magnam vim habitura . Verùm ,
 cum hæc & pleraque hujusmodi addiscen-
 dæ Rhetorices argumenta non ita ad vos
 unos pertineant , ut aliis etiam vobis extra-
 neis convenire posse non videam , statui de-
 mum , his in aliud tempus , aliamque con-

A 2 cio-

cionem rejectis , ea vobis in præsentia ad
aggrediendam toto pectore Eloquentiam
quasi calcaria subiicere , quæ vel nusquam
alios à vobis , vel hic certe vos unos præ cæ-
teris , & urgere suaviùs , & vehementius
incitare posse crediderim . Ea siquidem ne-
que communia sunt aliis , neque à vobis pe-
regrina , aut longè diffita ; sed Venetorum
propria ; sed domestica , sed penitus inti-
ma quæ beatam navandæ litteris operæ iis ,
qui Venetiis degunt , necessitatem indu-
cunt . Quod in Republica vivitis , eaque
Veneta , hoc unum ad incumbendum toris
viribus in artem dicendi , excitare vos ma-
gnopere debet , quotquot adestis , Juvenes
ornatissimi , & inflammare . Loquar enim
vero apertè in hac sapientum corona , quod
non sine magno fænore laboris mei factu-
rum me esse confido . Siquidem quanta in
Adolescentibus nostris ingenia esse video ,
studiaque discendi quanta in plerisque vota
persequendi quodcunque solidam sapiat ;
germanamque facundiam ; ausim pollice-
ri , si modò commoda , quæ ad perficiendos
Oratores Respublica vestra Alumnis Vene-
tis parat , ad comparandam vobis Eloquen-
tiam impendatis , brevi fore numeris om-
nibus absolutos Oratores . Itaque accipite
amabo , quæ de fælicitate Eloquentiæ in Re-
publica vestra dicturus sum , & hac humani-
tate vestra , qua me tam diligentes attenditis ,
eum mihi ad dicendum animum excitate ,
quem cæteroqui debita tanti conventus am-
plitudini , & dignitati dicentis verècundia ;
reverentiaque supprimeret . Quod si mihi
tri-

tribui , concedique sentiam ; crediderim non modò singularem Venetæ Reipublicæ gratiam referre, quæ bonarum artium Professoribus certam regiam , expeditamque ad Eloquentiam viam aperit , verùm etiam una omnium voce, atque consensu in meam sententiam convenire , quotque hucusque perfecit quotquot vel temporibus nostris.

Respublica Veneta perficit Oratores.

Sed priusquam illa coner attingere , quæ Rempublicam Veneram de Oratoribus optimè meritam faciunt ; statuo cum Quintiliano in universo genere dicendi duas inveniri potissimum partes res nimirum , & verba, quibus mutua necessitudine in Eloquentia conjunctis velut ex animo , & corpore ita constat genus omne sermonis ut si alterutram ab ea divellas , tota penitus dissolvatur Oratio . Inventionem in rebus , Elocutionem in verbis intuemur ; quas qui ad artis amussim scite noverit inter se conciliare , utquæ sapienter animo excogitaverit , copiosè ab ore depromat , is erit, Judice Tullio, omni laude cumulatus Orator . Si quidem cæteras, quas numerare solemus , Rhetorices partes dispositionem videlicet , & pronunciationem , hanc Elocutioni , Inventioni alteram Tullius subjecit; memoriam verò tam Orationis membrum , quàm dotem Oratoris communem utriusque Custodem constituit. Hæc eò mihi prædicenda putavi , ut quoniam Oratoriæ facultatis primaria capita excogitandi sapienter , planeque dicendi numeris omnibus Oratorem absolvunt , intelligatis , quid

A 3 spe-

sperandum sit in Republica Veneta, quæ & copiosè loquendi una facilè commoditatem suppeditat, & quandam affert sapienter excogitandi necessitatem. Atque ut suo quæque loco reponam distincteque scernam alterum quidem in Republica intuebimur, si Reipublicæ Naturam, conditionemque inspiciamus; alterum verò notum vobis fore confido, si quod Venetæ proprium est, & singulare potissimùm consideremus: enim verò & verborum copiam Respublica parat, & Veneta præcipuè sententiarum, quæ eam demum integram consûnatamque Eloquentiam perficiunt, quam nominavit Orator copiosè loquentem sapientiam.

Occurram autem necesse est, & in vestibulo protinus apprehensuris enunciatum de Republica vestra iudicium resistam iis, quibus vel iniquè sentire de Oratoribus exteris, vel non ea qua par est in laude ponere, immeritò videamur. Enim verò nunquam ausim inficiari, etiamnum scio vel, in ejus politiæ genere, quam Monarchicam vocant, non desiderari Oratores, qui sapienter, qui copiosè, & rebus, & verbis dicant; qui & in iis, quæ ab ipsis audias, & in iis, quæ in ipsis legas, & magnæ sibi gloriæ, ex certo aliis exemplo esse possint. Sed quemadmodum in natura videmus fructus complures, quorum venustatem, & copiam non tam ingenio soli, quàm diligentia Coloni acceptam referimus; ita in arte, quæ à Natura profecta est non tam ea, de qua loquimur pars politiæ, quam eorum, qui Civitates non liberas moderantur, indu-

dustria Eloquentiam, Oratoresque perfecti quibus videlicet & extractæ publicis sumptibus Academiæ & ineundæ spes gratiæ apud Litteratorum Mæcenates, & cognita promovendæ in suis Eloquentiæ Principum vota satiùs, quàm ipsa Natura Regni ad hanc sibi comparandam stimulos quosdam admovertit.

Nam, ut de primo dicam, in quo de copia Orationis est sermo, neminem esse puto, qui neget, Animorum Reginam Eloquentiam libertate maximè delectari; quæ videlicet sine timore, sine servitute, sine molestia non angustata per semitas; sed Domina per campos excurrens quacunque de re proposita, quid sentiat Orator, quid in laude ponat, quid in deliberationibus velit, quid in Judiciis desideret aperta, planaue Oratione pronunciet. Ea enim est indoles Eloquentiæ, ut sive ad populum in Foro, vel Templo, sive in Aula, in privatis, publicisque Conciliis ad Proceres, sive in exedra, & Academia ad sapientes verba faciat, nata sit omnium animis dominari, quos & argumentorum vi, & motuum concitatione, in quam ipsa velit partem unius linguæ imperio traducat universos. Hanc autem in liberis potissimum Civitatibus vigere dicendi copiam libertatemque loquendi nunquam mihi timidè pronuncians putavi. Nam quis latior Eloquentiæ campus, in quo liberior excurrat Oratio, quam is, ubi Oratori datur, quidquid in causam cadit libere dicendi locus, ubi nec brevi dicere cogitur, nec modum orandi

ab alio expectare; Sed spatia Orationis, & temporis ex rerum, quas pertractat pondere, & granditate, & ingenita quadam Republicæ libertate metitur; ubi omnia in quæstionem, omnia in controversiam, omnia in examen vocantur, Judiciumque Prudentum, & quod ait Tullius, non exigua quadam Aurificis staterà, sed publica orationis trutinà examinantur; ubi diuturna Senatus, assiduaque consulta oratorem petunt, qui non breviter censeat, sed ingenio, & Eloquentia Sententiam suam tueatur, ubi agendarum causarum ratio id orationis genus requirit, quod non se veritate rerum quasi compressis, & in pugnū coactis digitis philosophetur; sed sensa mentis liberè plane copiose romano more depromat: ubi demum quotidianæ, conciones Patrum pene pernoctantium in rostris, & quæsitæ in omnibus Sapientum placita, & contra dissentientes mordicus propugnata; quin vel eorum, qui audiunt molestiam vereantur; vel suam ipsi fastidiant, cum in plerisque judiciis, & deliberationibus utrique intelligant sua interesse quid judicetur, aut decernatur.

Quæ plane, liberèque dicendi commoda etiam aliqua ex parte in eo politicæ genere locum habeant, quod Monarchicum nominamus; tamen plura sunt eaque non levia, quæ orationis eque modo ac oratoris libertatem quibusdam quasi sepris circumscribunt, & includunt ergastulis; quo minus, cum libuerit, non modo non liberior excurrat, sed ne pedem, quidem effe-

rat

rat extra confinia durissimæ servitutis. Nam cum in civitatibus non liberiùs unius voluntate , & i imperio regantur omnia , & unius demum iudicio definiantur universa , quis porrò locus supererit libertati oratoris , vel in concilium vocati , ut suam ipse sententiam ea super re , de qua agitur , & fusc declaret , & sine metu promoveat , & tenaciter tueatur, quæ omnia dicendi copiam faciunt , ubertatemque orationis requirunt ; cùm præcipue in ea politicæ partæ id sæpe contingat , ut sive ad blandiendi , sive obsequendi , sive ineundæ gratiæ , sive propulsandi periculi causa in id statim consentiant , in quod conjecerint Dominum inclinare. Is enimvero mos apud omnes invaluit , ut sibi quisque primum , mox aliis provideat , cùm utrumque sine alterutrius interitu æquè fieri nequaquam potest . Age verò sit tibi apud Principem liberum , sapientem , probum quidquid cadit in animum , dicendi locus ; quàm porro verborum copia tuam apud eum sententiam dices , qui non modò rerum , atque verborum ; verum etiam ipsius , si fieri possit , brevitatis compendium jure & quidem merito in oratione requirit , cujus videlicet aures æque ac animus magnitudine rerum negotiorumque defessæ prolixam vel eorum , quos in re maxima consulit , orationem ferre nequaquam possunt ? Nam quid ego loquar de forma iudiciorum , & agendarum consuetudine causarum ? quæ sive in foro , sive in legibus , sive in magistratu non libero petraçtentur , impexo ,

A 5 stri-

Strigosoque dicendi genere agi solent, quod non modo in rethorum officinis cudi non consuevit, sed ne in academiæ quidem spatiis exerceri. Ipsam quin immo curam & diligentiam styli, lætitiæque orationis nescio qua vel consuetudine, vel incuria, vel vitandæ, sibi molestiæ causa non modo facile negligunt, sed omnia quasi punctis confertim agunt, omnia nudis rationum momentis expendunt, & quasi pæculis adstricti, & velut inclusi apud iudices philosophantur, non orant. Ita fit ut quam accepimus à parentibus artis, pinguem, latam proceram, plenam succo, plenam viribus, & fuso tanquam per venas sanguine coloratam forensem, & conciliarein eloquentiam, nescio quo huiusmodi politiæ fato, vel infortunio pene agentem animam, & in cadavera declinantem, nec dum senescentem videamus qualem videlicet Zeussis in anu sua expressisse coloribus videatur.

Nimirum pedibus palmo brevioribus illam

Pinxerat, & formam cruris utrique parem

Nexuit his brevius bustum, gracilesque sub ulnas

Sarcinula, in morem cogit utrumque latus

Vix punctum distat cervix caput inter, & armos

Pellis at in jugulum sesquipedale fluit

In geminum extantes humerique, & pectora montem

Consurgunt gibbamque ante, retroque vides.

Per breve quod superest, circumdat fascia collum

Quam sibi de lacerâ sindone fecit Anus.

Consimilis formæ, vultusque senilis imago est

Qua nusquam toto tristius orbe fuit

Exsuccam faciem, pelleinque colore cœrentem

Crispatam exesam Ruga Bianti, arat.

Si

*Si que aliquis toto late spectabilis ore
 Castanea testa par erat ille color.
 Depressum introrsum gerit os, mutilusque superfluo
 Nasus, & à gutta non abeunte madens
 Grande supercilium profert, oculique recedunt
 In caveas, alter lippus, & alter erat.
 Deque genis passæ, sinuosa lacinia pellis
 Pendet, labra pilis quattuor birta rigent
 Gingivas cariosa suis sine dentibus effert
 Vixque strepens binc binc unus & alter inest.
 Os fuscum, enerve, obliquum, mentumque deorsum
 Prominet, inque modum se coclearis habet.
 Stringit bisenos in vertice vitta capillos
 Occipiti nullæ, sincipiti que comæ
 Quid memorem mores, quos non in imagine pictos
 Usque aded ad vivum pinxerat, esse putes.
 Impatiens, blaterans rixosa, maligna petulca
 Et rabie semest indicis ungue minax.
 Hæc erat in tela Zeuss quam pinxit imago
 Quas modò carpebam digna referre notas.*

Enim vero non aliis coloribus exprimerenda est oratio eorum, qui verborum copiam in oratione non aspernantur modo; verum etiam in foro, in judiciis, in conciliis, anili quadam siccitate incultæ, & putridiculosæ orationis delectantur, hoc uno dumtaxat discrimine, quod videlicet Anus illa ad risum, hæc vero ad lacrymas, & extinctæ prope modum forensis potissimum eloquentiæ commiserationem commoveat. Oratori enim uberrate copiaque opus est, ut quod ait Quintilianus, quomodo nobiles equos curius, & spatia probant, ita sit aliquis Oratorum campus, per quem nisi liberi, & soluti ferantur debilitatur & frangitur eloquentia. Neque

A 6 enim

hi versatur ob oculos , Rempublicam vestram , animum , cogitationem , sermonemque convertam , quæ videlicet propositi , institutique mei , ocularis mihi testis assistat. Pace modestiæ vestræ dicam quotquot adestis , Veneti Oratores ; Ubi nam terrarum hisce temporibus liberior eloquentia dominatur , quam hic Venetiis ; ubi nimirum sive forenses causæ , sive Senatus Consulta , sive cætera quæquæ ad Rempublicam pertinentia tractentur , ea est in Oratoribus , ea in Patribus Conscriptis , ea in omnibus , qui verba faciunt , copia Orationis , quæ cum in his omnibus , tum potissimum in forma judiciorum non imaginem quandam , sed faciem ipsam Romanæ Eloquentiæ nobis ostendat ; quam intuentes quotquot huc confluunt advenæ suspensis admiratione animis intersunt utilitate non minore , quam voluptate : Quos ego venia dignos magis putaverim , quod admirentur , quam laude , quod commendent in Republica copiam , ubertatemque sermonis ; neque enim id novum , magnumve videri debet in hoc politiciæ genere , in quo & expedita ab omni servitute libertas dicendi , & continuæ oratorum in foro , in senatu , in conciliis , in judiciis exercitationes diserte copioseque dicendi necessitatem inducunt ; In quo ut cum Quintiliano loquar , sibi quisque persuadet , quantâ quisque plus dicendo poterit , tanto facilius honores assecuturum , tanto plus

au-

auctoritatis apud Patres, tanto plus gratiæ apud Proceres, tanto plus notitiæ, & nominis apud populum paraturum: in quo demum diuturno experimento compertum est, neminem sine eloquentia aut assequi posse, aut tueri conspicuum & eminentem locum, aut traditas à majoribus dignitates in ea, qua par est, gloria, conservare, aut muti & elinguis notam declinare in eo optimatum Concilio, in quo potissimum disertum haberi pulchrum, & gloriosum est. Jam verò quis tot ad eloquentiam sibi comparandam stimulis non excitecur, quis hac disertè copioseque loquendi opportunitate, non cum verborum copiam sibi cumulet, & ubertatem, quæ in eloquentia præcipuum locum habet, & secernit à Philosopho Oratorem. Quis erit tam cæcamente, qui modo non videat quanti porro notam de decoris nequaquam fugere possint, qui segniter ac desidiose in paranda sibi eloquentia se gerunt ii, qui in ea Republica degunt, quæ copiose loquentes perficit oratores?

Jam verò venio ad alteram orationis partem, quæ non communem cum cæteris, sed Venetorum propriam; sed Reipublicæ vestræ intimam atque innatam perficendi Oratoris laudem vendicabat. Ac primum quidem absit à vobis, ut cum verborum copiam in eloquentia audieritis celebrari, hac una re finiat laudem Oratoris: Neque enim cum de Oratore loquimur, sermo est de blaterone aliquo aut locutulejo, qui egregie concionalium Rabu-
la-

ri posset verborum compendio, sententiam suam declararet; is verò, quine dum verbo, sed nutu; sed ducta in tabula linea sensus animi significaret, omni dicendi laude cumulatus haberetur, ut videlicet ad ostentationem sapientiæ intelligeres semper plus superesse, quod diceret, quam dixisse, aut sensisse cognosceres. Quando igitur & eloquentia primum quasi spiritum duxit, quando adolevit, & floruit, quando & nomen, & sermo & gloria Oratoris in lucem aspectumque Mortalium prolata sunt? Cum nimirum Athenis primò diuturnæ servitutis septemdecim à Cæcroe usque ad Codrum, Principum excusso jugo in libertatem Reipublicæ commigravit. Tunc enim verò eloquentium nomina, plaususque personuerunt, Periclis vehementissimi, qui verborum copia, & granditate excusso quasi tonitru Græciam universam concutiebat, Alcibiadis suavissimi, qui fluentis sine impedimento lenocinio orationis confertum undique ad audiendum populum, in eam, quam vellet partem nunquam penitendo exitu inclinabat, Georgii Leontini facundissimi, qui ea dicendi libertate & facilitate pollebat, ut sive in senatu, sive in academia, quacumque de re ex improvviso proposita verba faceret, non dicam, excogitata oratione; sed ne coactà quidem sylvâ dicendi ad multam diem eleganter æque ac copiosè diceret imparatus; Demostenis demum, ut cæteros missos faciam, eos que non levis notæ oratores, qui ea, quæ vi-

larum , sine lege , sine pondere , sine sapientia , inani quodam strepitu sonantia verba profundat ; unde apud imperitum vulgus vendibilis repente proclamator exultat ; langueat enim , & concidat eloquentia illa necesse est , quæ nimio verborum vel ornatissimorum pondere onerata , si non fulciatur sapientia , si quas habet vires , enervat , sensus obumbrat , & velut læto gramine lata præfocat . Sed de eo in præsentia oratore loquimur , ejus eloquentiæ laude prædito , quæ scientiam complexa rerum sensa mentis , & consilia apud veteres Græcos apud Romanos , & horum Principem Tullium nomen obtinuit copiosè loquentis sapientiæ , quæ videlicet non modo genus sermonis afferat liquidum fusum , ac profluens , verum etiam plenum non sine nervis , & viribus quod partitæ suffulciant expressæque sententiæ ; quibus nisi roboraveris , & confirmaveris orationem , à proposito Orationum fine discedes : Neque enim verborum vel copiosissimorum sonitu fidem facies , nulla subiecta sapientia : quæ si facilius divulsa & quasi discerpta contractes , tanquam ab animo corpus , sic a sentiendis verba sejunges , quorum sine interitu fieri neutrum potest . Hanc autem orationis partem sentiendi sapienter suo quasi jure ita sibi vendicat Respublica Venetorum , ut in hac præcipue veteres ante ire videatur . Dicam enim verò plane quod sentio , quod si attentis animis accipietis , non adulationis gratia id à me dictum

etiam putabitis , sed vetitatis . Neque enim volo vos existimare , cum hanc eloquentiæ laudem tanquam propriam , atque domesticam vobis adstruo , eam me veteribus oratoribus usurpare . Scimus enim & sine temeritatis notâ inficiari non possumus eos non nobis solum ; sed universo terrarum orbi , & principes , & magistros dicendi extitisse . Verum autem si Quintiliano de veteribus Oratoribus ferenti sententiam consentiamus , eam qua floruerunt laude , gloriaque dicendi , non tam conditioni Reipublicæ , in qua degebant , quàm egregiis , quibus præditi erant à natura dotibus ita referemus acceptam , ut copiam quidem orationis Reipublicæ libertari , sapientiam verò ingeniis oratorum maximis , & studiis diutissimis concedamus . Nam cum eo politiæ ductu veterum plerumque Reipublicæ gererentur , quem democraticum vocant in quo videlicet omnia populus , omnia imperiti , omnia , ut sic dixerim , omnes poterant , sanè in oratore plus ubertatis , & copię , quæ ad permovendum populum plurimum valent eorum temporum conditio requirebat , quam scientiæ & sapientiæ , quæ apud rude vulgus vendibilis nequaquam merces haberi solet . Itaque , quod insinuat de veteribus Oratoribus Quintilianus facile perfecebat prior ille populus , ut imperitus & rudis fusarum Orationum spatia , atque idipsum laudi dabatur , si dicendo quis diem eximeret ; & si quis odoratus philo-

Iosophiam , ex ea locum aliquem popularem orationi suæ infereret , in cœlum laudibus ferebatur . Hanc autem politiæ partem , cum principes antiquorum Respublicæ securæ sint , nimirum Rhodiorum , Carthaginiensium ; Atheniensium potissimum , nec non plurimum , si Livio credimus , Romanorum , quis non intelligat demum , veterum Oratorum sapientiam , non æque modo ac copiam orationis earum conditioni Rerum publicarum esse referendam ? Quare Oratores illos , quos magistros dicendi colimus , & veneramur , copiosos quidem faciebat Respublica , in qua orabant ; sapientes verò academix spatia , maxima ingenia , studia assidua , quæ iis non tam ex Republica , quam in Republica parabantur . At verò in Republica venetorum dissimilis prorsus est ratio , in qua in foro , in senatu , in privatis , publicisque conciliis , non populum , aut homines leviter eruditos , sed optimates , sed sapientes alloqueris ejus Reipublicæ partes , & membra , quam *aristocraticam* dicunt , quam Morales philosophi , & horum Princeps Aristoteles perfectam absolutam optimamque publicæ politiæ partem nominavit . In hoc autem cœtu sapientum quantà oratori sapientia opus est , in quo nimirum non expectatur , ut inanium granditate verborum aures obruas , aut delicatulæ orationis illecebra , lenocinioque pellicias ; sed ea , quæ ad faciendam fidem pertinent & evincendam Sententiam

tiam ; quæ ad justitiam , & æquitatem in judiciis , quæ ad utilitatem & commodum in deliberationibus ; quæ ad honestatem , & laudem optimorum in demonstrationibus , postulatur . Perge porrò quantam peritiâ legum sanctissimarum quantam jus civitatis amplissimum , quantam prudentissimorum virorum præcepta , & dogmata , quantam magna concilia de bello , de pace , de confederatione , de cæteris omnibus in Optimatum conventu examinandis sapientiam requirunt ? Quare Venetæ Reipublicæ Proceres sibi opus esse intelligunt , non ut ludrice Rethorum scolis declament , non ut fictis , & nullo modo ad veritatem accedentibus controversiis linguam modo & vocem exerceant , sed ut ea sapientiâ pectus impleant , quæ omnes scientiarum partes complexa , & subtilitate dialecticæ ad scite de quacunque re propositâ cognoscendum ratiocinium dirigat , & partis moralis utilitate mores hominum affectionesque cognoscat , & ope politiarum bene gerendæ conservandæque Reipublicæ rationem doceat . Hæc enim est Oratori in Optimatum Republica degenti subjecta ad dicendum materies , in qua copiosè , & variè , & ornatè , & pro dignitate nemo dicere potest , nisi qui pluribus artibus , & omnium pene rerum scientia exundantem , & exuberantem loquentiam sit consecutus .

Accedit autem , quod in arte dicendi principem locum tenet , ut cum rationum
mo-

momentis roboraverit orationem , & eos qui audiunt , suam in sententiam deduxerit , de iis demum animorum permutatione triumphet ; quod si non ea , quam & rerum , & causarum natura ratioque requirit , arte præstabit , nihil sane egisse dicendo videatur Omnis enim ratio dicendi , quæ duabus ad orandum maxime rebus est nixa , ut probemus ea vera esse , quæ dicimus , & eos qui nos audiunt in quemcumque voluerimus motum vocemus , in hac ultima celebratur , laudatur in illa , eà convincit , hac persuadet , illic obsidet mentem , hic animos ipsos expugnat . Hæc autem concitandorum affectuum disciplina , quantam porrò in eo oratore sapientiam requirit , qui hanc eloquentiæ absolutam , consummatamque virtutem apud sapientes viros assequi velit ? Nam quemadmodum inter ea , quæ fidem faciunt , alia crassiora quædam , & mole grandia populum , alia vero subtiliora , & graviora Proceres decent : Ita in tractatione animorum summos habet dissimilitudines eloquentia . Ea enim est vulgi natura , populique conditio , ut non exquisito ab arcanis sive naturalis , [sive moralis philosophiæ concitandorum affectuum magisterio ; sed vel solà vocis conformatione ad læritiam , ad lacrymas , ad mansuetudinem , ad indignationem composità , facile excitetur , leniatur , inflammetur & clamore quodam , strepituque Oratoris , in quamcumque libuerit , partem deducatur . Quare

Sa-

Sapientissime Athenis lata lex fuit, ut quoties orator ad populum dicere aggrediebatur, publici Præconis voce inhiheretur, ne ad ea quæ vel judicanda vel deliberanda agebantur, ullam animi permotionem excitaret; sed propositis expensique rationum momentis, unius rationis judicio, sententiæque relinqueret: non propterea quod hanc patetici Oratoris partem à perfecta, absolutaque oratione relegarent, quam vel ipsi primam Oratoriæ laudem fatebantur, modo in eo auditorum cætu verba facias, in quo animorum per motiones judicium, rationemque sapientum subsecutæ nullum corrumpendæ eloquentiæ periculum dicenti creant; sed quia videlicet norant periti Legislatores, quam facile imperitum vulgus vel inani dumtaxat sono, strepituque verborum ad quemlibet animi motum concitetur, unde non quod ratio, & natura propositæ causæ postulat, sed quod suadet affectus, dijudicet plerumque atque deliberet. Nimirum subit hic animum non illepidi capitis recordatio; que non tam risum mihi ciet, quod amænum orationis jocum meminerim, quàm moveat admirationem, quod arcana divini Consilii mysteria, sapientiamque commendet; ut ut sit, in hanc orationis partem, commodum cadit.

*Non procul adriacis insignis Rbetor ab oris
Palladis auspiciis reducem felicibus annum
Ritè salutabat, legemque, modumque daturus
In genis Juvenum, quos Rbetoris arte colebat;*

Cir-

Circumquaque ingens geminum bis ductus in orbem
 Confedere Virum numerus, quos prima senatus
 Munera secernunt populo, quos copia fandi
 Quos rerum causas studium tentare latentes
 Laudat, & emeritis crines insignibus ornat.
 Ille salutatam latio sermone coronam
 Alloquitur, belleque docens ingentia promit
 Dogmata, quæ late numeros digesta per omnes
 Explicat orandi seriem, legesque ciendi
 Pectoribus, quoscumque velis ex ordine motus
 Jam prope finis erat fandi, cum percitus astro
 Palladio segnesque animos, & avara doceri
 Ingenia insequitur diris, & voce potenti
 Increpat, enixe quam toto pectore trudit.
 Interea limen templi (namque illius urbis
 In templo alloquitur Rhetor) quod in ampla patebat
 Atria, præteriens quis nescio forte colonus
 Audiit orantis vocem qua tota sonabant
 Atria, nec fandi causas, nec plura secutus
 Querere templa subit: Vis ò divina loquendi
 Gnaviter, ò quid non mortalia pectora cogis,
 Constitit Erectus quantum superesserat omni
 Possicus caput in turba, fixasque tenebat
 In vocem patulas aures, & in ora loquentis
 Grande supercilium, quamvis an verba Magistri
 Ducta vel hebrais, vel græcis, sive latinis
 Codicibus, ne dum sint itrala, noscere possit;
 Nam qui sexdenis ruri traduxerat annos
 Lodiæcis, fatos proscindere vomere campos
 Inferere arboreas soboles, & quæque coloni
 Munera, non abacus nec quid sit littera, norat.
 Interea magis, atque magis clamore theatrum
 Omne replet Rhetor, stupet, admiratur, & ardet;
 Exedra percutitur palmis, & voce tonanti
 Insonuere tholi, streperoque sacella fragore.
 Ruricola attonitus primæ, max per citus illo

Mur-

Murmure, nunc magnà plenum formidine pectus
 Sentit agi pallor, trepidatque, & anhelitus oris
 Lentior infendi notat argumenta timoris
 Eruta nunc imò ducens suspiria corde
 Totus it in lacrimas, & pugnis pulsa tenoris
 Pectora contundens, Divosque, deumque vocabat
 Pronus humi, junctas tendens ad sidera palmas
 More petentis operum Misero, veniamque precantis.
 Plura quid enumerem? nec dum finem ille loquendi
 Fecerat, impatiensque moræ, nec missa dolori
 Ultra fræna regens prostrernitur ante tribunal
 Judicis, e cælo cui copia facta ligandi
 Solvendique animos noxis, & crimina fassus
 Exactæ vitæ lacrimis absterse obortis
 Quantis Massilia mollitas Magdala rupes
 Impuerat, solymive Petrus Prætoris Regis
 Tum verò hos gemitus, contritaque pectora judex
 Miratus, causam fletus scitatur amari.
 Fære quis eruerit lacrimas, quæ causa dolorem
 Excierit tantum, quæ ferrea pectora fregit
 Machina dicentis, divinaque copia fandi?
 Ille refert flendi causam, remque ordine pandit.
 Quem simul ac titulum lacrymandi agnovit, & omnem
 Accepit seriem casus, quod Rhetora fantem
 Audierit, non qui mores laudaret honestos,
 Non quibus ultrices vindex Astræa flagello
 Infigat penas, non quæ divina paravit
 Præmia, non quales victoribus illa coronas
 Partiat, aut victis neccat, licet æqua catenas;
 Sed quibus Orator dicendi legibus omnes
 Per numeros ductus, conformatusque perores
 Vix se continuit quin solveret ora cæcinnis.
 Sed magis divina fatum mirabile mentis
 Obstrupuit tanto nimirum diffusa fine.
 Verba movere viro lacrimas non apta movenda.
 Usque aded non artis opus popularia flecti

Pe-

*Pectoraque soloduces quocumque placebis
In quemcumque velis motum clamore fragosa
Vocis & horrissono quatens subsellia gestu.*

At verò si sapientes alloqueris, quotquot videlicet in Republica Veneta sunt Optimates, quanta in concitatione animorum, in quà triumphat eloquentia, oratori sapientia opus esse intelliges apud eos dicenti, quos in nullos sane vocabis animi motus, nisi ea, quæ ad eos permovendos à Natura Sapienter instituta sunt, in promptu & præmanibus habeas, ut recluso in Auditorum animos aditu opportunè ad moveas? Porro tenenda est universa de affectibus scientia quæ & Philosophi naturalis est, ut eorum causas à natura petat, & moralis, ut eosdem honestatis, ac turpitudinis capaces ostendat, & politici, ut iis quæ Reipublicæ utilia; quæ nociva sunt, quæ gloriosa, quæ turpia, quæ supervacanea quæ necessaria aptè scitèque explant, ad ea decernenda, & amplectenda, ad hæc verò vitanda, & fugienda, non vulgus imperitum, non homines leviter tinctos sapientia, sed gravissimos, prudentissimos, sapientissimos viros, digna eorum, qui audiunt, digna ejus, qui dicit oratione permoveat, ac prope compellat, nam qua ratione id assequetur Orator, qui tractandarum in optimatum corona maximarum rerum commoda, vel detrimenta, qui eorum apud quos dicit, naturas, ingenia, animique proportionem ignoret, qui se non tam altè insinuet in eorum animos, ut cum opus sit, alias affectiones, alios

alios sensus , naturam pœne aliam victor imponat? Quare videtis Adolescentes optimi , quam in vobis non modo copiose loquendi commoditatem , ut in altera orationis parte attingere conatus sum ; verum etiam sentiendi sapienter necessitatem Respublica Veneta oratoribus suis inducat ; in qua si quis hujus tam necessariæ sapientiæ ornamento caruerit , parùm sibi verborum copiam pro futuram esse intelligat , ut Orator in Republica Veneta habeatur .

Quamobrem ut ad extremum , quid de utraque parte orationis meæ potissimum statuam , paucis absolvam , de altera quidem sentio nullum esse politiæ genus , in quo loquēdi copiosè latior pateat campus , quam in Republicâ in qua Oratores sine timore , sine servitute ingeniâ quadam libertate perorant , de altera autem sentio in Republica maxime Venetorum , optimatum videlicet , atque sapientum etiam sentiendi sapienter necessitatem , quas Oratori dotes nisi conciliaveris intelliges alterutram non tam adesse cum laude quam deesse cum dedecore Veneti Oratoris , qui demum apud vos ita conformandus est , & verbis , & sententiis , ut quemadmodum , quod ait Tullius , qui utuntur armis , aut palestrâ , non solum sibi vitandi , aut ferendi rationem esse habendam putant ; sed etiam ut cum venustate moveantur , sic verbis quidem ad aptam compositionem , & condecentiam , sententiis verò ad gravitatem utatur , ut ii qui in armorum tractatione versantur . Reliquum est , Adolescentes optimi,

timi , ut in studiorum vestrorum ratione comparanda , id animo firmiter statuatis , hac Reipublicæ vestræ ad assequendam utramque Eloquentiæ Venetæ laudem opportunitate beataque necessitate non uti segniter , sed eam ad perficiendam in vobis artem hanc nobilissimam , ac Venetis pernecessariam toto pectore animique contentione traducere . Cogitate identidem attentis animis quanta sit gloria , in hoc cætu Patrum , in hoc sapientum senatu gnare plane que dicere ; Contra vero quantum dedecus mutum , & elinquem sine sensu , sine sapientia indigitari in quo non tam fumosis imaginibus non tum ducto per Aravorum amplissimorum venas sanguine , quam sapientia & facundia optimates Veneti commedantur . Recolite animo vota Reipublicæ vestræ , quæ in hujus spem gloriæ , & publicæ utilitatis vos educat , & exemplis accendit cum eorum , qui in præsentia in Republica degunt , & sua ipsi luce se produnt , quin injuria modestiæ vestræ meum illis lumen accedat , tum veterum Proavorum , ac Dinastarum , ex quibus centum octoginta tres Oratores , non populari laude commendati , in Venetorum fastis conscripti sunt ad Reipublicæ vestræ laudem sempiternam : quorum nomina , aut merita , aut propriam in unoquoque germanæ eloquentiæ laudem singulariter persequi , ne vobis gravior , aut omis- sis aliis alios recensere , ne in hoc discrimine laudis cuiquam viderer injurius , non esse existimavi Consilii , institutique mei .

Apud

Apud vos sunt , quos teratis manibus ;
 quos oculis usurpetis . In hos conii-
 cite mentem , animumque convertite Adole-
 scentes optimi , spes non ultima Reipubli-
 cæ Venetæ , & cogitate, eadem vobis com-
 moda ad perficiendam in vobis eloquen-
 tiam non deesse , quibus illi non caruerunt
 quibus Oratores optimi perfecti sunt . Tunc
 enim verò demùm fiet , ut quæ de princi-
 pio proposui , non tam ex mea sententia ;
 quàm vestro ipsi experimento vera esse sen-
 tiatis, **IN REPUBLICA VENETA PER-
 FICI ORATORES.**



F I N I S.